

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut:**

1. Naalakkersuisut isumaat malillugu Kalaallit Nunaanni Namminersorneq pillugu inatsit nr. 473, 12. juuni 2009-meersumi, Kapitali 4-imi Inatsisartunit Folketingimilu isumaqatigiissutigineqarsimasut matumani suliami unioqqutinneqarsimappat?
  - a. Naalakkersuisut isumaqarpata unioqqutitsisoqarsimasoq, kissaatigaara sukkut qanorlu unioqqutitsisoqarsimanersoq nassuiaatigineqassasoq.
  - b. Naalakkersuisut isumaqarpata inatsit malillugit unioqqutitsisoqarsimasoq, taava tamanna qanoq kinguneqartinniarneqarpa?
  - c. Naalakkersuisut isumaqarpata unioqqutitsisoqarsimanngitsoq, kissaatigaara sukkut qanorlu unioqqutitsisoqarsimannginnersoq pillugu nassuiaatigineqassasoq.
2. Naalakkersuisut isumaat malillugu Kalaallit Nunaanni Namminersorneq pillugu inatsit nr. 473, 12. juuni 2009-meersumi, Kapitali 4-imi Inatsisartunit Folketingimilu isumaqatigiissutigineqarsimasut ukiumi kingullermi Qallunaat naalakkersuisuinit qasseriarlugu unioqqutinneqarsimava?
  - a. Unioqqutitsinerit suut matumani pineqarpat?
  - b. Unioqqutitsinerit qanoq Naalakkersuisunit kinguneqartinneqarsimappat?
  - c. Qanoq pisut kinguneqartinniarneqarpat?

(Inatsisartunut ilaasortaq Vivian Motzfeldt, Siumut)

**Tungavilersuut:**

Qallunaat Nunaanni partiit Danmarkip sillimaniarnermut politikkiata nukittorsarneqarnissaanut isumaqatigiissuteqarput "Nationalt kompromis om dansk sikkerhedspolitik"-mik taasaminnik. Isumaqatigiissutaasup Nunatsinnut kingunerisassai ilisimaneqanngillat, Naalakkersuisullu Siulittaasuata oqarneratigut Nunatsinni Naalakkersuisut peqataatinneqaratillu ilisimatinneqarsimanngillat.

Qallunaat Nunaanni partiit tusagassiortunik qulequtaq pillugu katersortitsineranni oqariatuutit Nunatsinnut tunngasortai Qanoruukkut oqariatuutigineqarpoq, Kalaallit Nunaata illersorneqarnerata nukittorsarneqarnissaa aamma pilersaarutinut ilaasut.

Imaatigut illersornissarput nukittorsassavarput, kalaallillu nunaanniinnerput issittumiinnerpullu annertusassavarpot." Taamak oqarpoq SF-p siulittaasua Pia Olsen Dyhr.

Namminersorneq pillugu kalaallit qallunaallu isumalioqatigiissitaasa Kalaallit Nunaanni namminersornermik isumaliutissiissutaanni, tamatumalu malitsigisaanik Kalaallit Nunaanni Namminersorneq pillugu inatsit nr. 473, 12. juuni 2009-meersumi, Kapitali 4-imi § 12. Imm. 4.-mi aamma §13. ima oqaasertaqarput:



“§12. Imm. 4. Inatsisit inuiannut tamanut tunngasut pillugit isumaqatigiissutit illersornissamik sillimaniarnermillu attuisut aammalu inatsisit inuiannut tamanut tunngasut pillugit isumaqatigiissutit Danmarkimut atuuttussat imaluunniit soqutigisaqaqatigiiffinni nunat tamalaat akornanni Kunngearfiup Danmarkip ilaasortaaffigisaata iluani isumaqatigiinniutigineqartut § 13-imi maleruagassatut aalajangersakkat malillugit isumaqatigiinniutigineqarlutillu isumaqatigiissutigineqartassapput.”

“§ 13. Inatsisit inuiannut tamanut tunngasut pillugit isumaqatigiissutissat Kalaallit Nunaannut immikkut pingaarutillit isumaqatigiinniutigilersinnagit Danmarkimi naalackersuisunit Naalackersuisut ilisimatinneqartassapput. Naalackersuisut piunasaqarnerat malillugu aalajangersakkap matuma iluani suleqatigiinnermi malittarisassanik erseqqinnerusunik Danmarkimi naalackersuisoq susassaartoq isumaqatigiissuteqarfigineqarsinnaavoq, ilanngullugu tunngavissanik erseqqinnerusumik aalajangersaasoqassaaq isumaqatigiissutit Kalaallit Nunaannut qanoq ilinikkut immikkut pingaaruteqarnerisut.”

Paasinnissinnaanera malillugu inatsisitigut malinneqartussatut tunngavigitinneqartut taamaalillugit unioqquatinneqarput.

Kissaatigaara apeqqutima ullut suliffiit qulit iluini akineqarnissaat.